

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

A Num. 1. usque ad 2dum continentur Excellentiae & Encomia S. Francisci,
trium Ordinum Institutoris, ex Epistola Cardinalis de Trejo.

[urn:nbn:de:hbz:466:1-64103](https://nbn-resolving.de/urn:nbn:de:hbz:466:1-64103)



PROLOGUS

Candido Lectori salutem.

I. **H**ic te primūm alloquor, Candido Lector, non meis, sed egregiū *Cardinalis de Trejo* verbis, qui inquit: cūm omnis Regula & doctrina multūm commendetur ex qualitate, meritis, vitā, & sanctitate Auctoris; scire debes amice Lector: quod nemo fere post Apostolos verbo simul & exemplo D. N. JESUM Christum perfectius imitari docuerit, quām S. FRANCISCUS de Assisio; quæque in scriptis ejus, & libris continentur, Seraphico sanè Spiritu plena sunt. Sigillum Christi portat FRANCISCUS, ejusdēmque in corpore suo stigmata, quibus auctoritatem regiam suā præstat doctrinæ; quæ enim Regis sigillo signata sunt, regiam Majestatem præseferunt. Vivus duobus annis portavit in manibus, pedibus, & latere Crucifixi JESU effigiem, quibus ab æterno Patre in monte Alyerniæ inflammatus, à Spiritu S. in speciem unius Seraphim ad imaginem unigeniti Filii Dei fabricatus, adeò Deiformis effectus est, ut humanis oculis Christus videri posset. Doctrinas & Regulas conscripsit transfixis manibus sanguine madentibus, nigris & cruento rubicundis carneis clavis, & clavorum capitibus. Quis tale atramentum, chartam, & calatum non honorabit? mortuus verò dulcissimā morte amoris, quasi adhuc semivivus appetet, & perseverat cum his Seraphicis plagis, miraculo prioribus sæculis nulli Sanctorum concessis; stātque erectus in suo sepulchro: uti attestatur inscriptum à Summo Pontifice Epitaphium.

Lateranensem Ecclesiam, Urbis & Orbis matrem, ruinæ proximam, tanquam divinus Atlas humeris pietatis, & doctrinæ submissis (ne caderet) vi-
sus est sustentare à Summo in tertis Christi Vicario Innocentio III. Pontifice
optimo & maximo; & post ista tempora nunquam amplius Ecclesia hæc mi-
nata est ruinam. Ob profundissimam humilitatem S. FRANCISCUS juxta
propriam reputationem maximus peccator, cūm tamen (utiait S. Bonaven-
tura

tura) in veritate speculum esset, & splendor omnimodæ Sanctitatis, Sedem Luciferi in Cœlo occupare creditur. Hucusque Gabriel Cardinalis titulo S. Pancratii Presbyter de Trejo apud Lucam Wadingum in sua epistola data Tibure 3. Julii 1621. in prologo ad opuscula S. Francisci.

Tantus ergo Patriarcha FRANCISCUS non sibi soli vivere, sed & aliis proficere volens, Dei Zelo ductus, doctus doctrice gratiâ, & doctis factus in stuporem (ut̄ habetur in Officio Romano Franciscano S.P. FRANCISCI) contentus non fuit, quod Ordinem Fratrum, & Monialium à mundo, & mundanis penitus exclusorum instituisset, sed Seraphico Spiritu ardore ignitus tertium instituit Ordinem tam virorum, quam mulierum in saeculo viventium: in quo mandata Dei observantes perfectè, & in operibus Charitatis & Pœnitentiæ se exercentes, infallibilem ad salutem reperirent viam; ut sic omni hominum statui (omnibus omnia factus) provideret.

Hunc Ordinem totius mundi Monarchæ professi sunt, & ex eo tot prodierunt Sancti; ut vix ulla sit in anno dies, quam non reperiantur plures ex isto Ordine vel Canonizati, vel Beatificati, vel vitâ & miraculis clari.

II. In *Innocentius XI.* fel. & opt. record. die 28. Junii 1686. in Brevi: *Ecclesia Catholica*, plura pro tertio Ordine specificè approbat, hoc expresso motivo: ut Pœnitentium venerabilis Ordo à S.P. FRANCISCO pro personis utriusque sexus in saeculo viventibus institutus, & à felicis recordationis Clemente VIII. ac Paulo V. in 3. status sub una, eademque Tertiis Ordinis appellatione, atque eorundem privilegiorum, gratiarum, concessionum, Indulgentiarum, & sacrorum communicatione, sub diversis Statutis, secundum cuiuslibet statutus exigentiam divisus, magis indies augeatur, & illi sancti, qui (ut ab eodem Paulo III. in suo Brevi: *Trium Statuum*, refertur) pro Sanctis dicti Ordinis recensentur; sequacibus in Indiarum, & totius Orbis Christiani partibus non careant, ac ut exemplo personarum sub Regula prefati Ordinis viventium, fidelium mores reformentur &c. &c.

III. In Brevi *Innocentii XII.* incipiente: *Debitum*, 19. Maji 1694. concessio comprobata, ac inserta reperitur sequens dispositio: Quoad Tertiarios verò, & Chordigeros serventur statuta & decreta Capituli Generalis, Romæ (ut præfertur) anno 1688. celebrati; omnimodaque adhibeatur cura, ut in cunctis Confraternitatibus erectis, seu erigendis, in Ecclesiis Conventuum seu Monasteriorum &c. servetur exercitium Viæ Crucis, & orationis mentalis; eoque introductio una ex diebus Dominicis, vel festivis, pro quolibet mense, à superiori locali in perpetuum assignabitur, ad consequendam Indul-